

Ⓒ Cuiribh duilleag mhòr cairt air balla a' chlasrum agus leigibh oirbh gur e creag mhara a th' ann. Geàrraibh a-mach cumaidhean glasa agus steigibh iad air a' bhonn mar chlachan agus cotan mar na tuinn a' briseadh orra. Feuch an lorg sibh stuthan eile a tha coimhead coltach ri neadan èoin, lusan a' fàs air na creagan 's mar sin air adhart. Cuiribh glaodh air a' chreag agus cuiribh gainmheach air a' phàipear. Nuair a chrathas sibh a' ghainmheach nach do steig dheth, tha a' chreag coltach ri creag cheart. Dèanaibh deilbh de dh'èoin mhara agus steigibh iad air a' chreag far an àbhaist dhaibh a bhith a' neadachadh. Feuch gun cuir sibh peanta geal fo na leacan. Geàrr cumaidhean èoin air iteig agus mas urrainn dhuibh croch iad bho mhullach an ruim dìreach air beulaibh ar creag. 'S e collage a chanas sinn ri seo.

